



151/2020
23-01-2020
Mojca D

JAVNO PREDUZEĆE ŽELJEZNICE FEDERACIJE BOSNE I HERCEGOVINE
društvo sa ograničenom odgovornošću SARAJEVO
71 000 Sarajevo, Musala 2

Reg.br. 065-0-Reg-06-000614 od 28.12.2006.godine kod Općinskog suda u Sarajevu; Transakcijski računi: KM 3389002207823509, DEVIZNI-IBAN: BA39+3389002207823509 SWIFT: UNCRBA 22 kod UNICREDIT BANK d.d. Mostar; KM 1549212001826340, DEVIZNI-IBAN:BA39+50101200-875115 SWIFT: UPBKBA 22 kod INTESA SAN PAOLO BANKA d.d. BiH Sarajevo; KM 5659013500000511, DEVIZNI-IBAN: BA39+5651200000061888, SWIFT:BATOBA 22, kod BOBAR BANKA a.d. Bijeljina; KM 1327310010269422 kod NLB TUZLANSKA BANKA d.d. Tuzla; KM 1990490075973745 kod SPARKASSE BANK D.D. Sarajevo; KM 5550050018762580 kod NOVA BANKA a.d. Banja Luka; KM 102050000088171, DEVIZNI-IBAN:BA39+102050000088171 SWIFT:UBKSDA 22 kod UNION BANKA d.d. Sarajevo; ID broj: 4200450270001; PDV broj: 200450270001; Porezni broj: 01071112

Broj:1-1511-1/2020
Datum: 22.01.2020. godine
Mjesto: Sarajevo

Na osnovu člana 70 stav (4), a u vezi sa članom 69. stav 2. pod d) Zakona o javnim nabavkama ("Službeni glasnik BiH", broj: 39/14), člana 60.2 Statuta JP ŽFBiH d.o.o. Sarajevo ("Službene novine FBiH" broj: 27/06, 5/08, 49/08, 57/09, 59/11, 92/12, 58/15 i 24/17), člana 19. Pravilnika o javnoj nabavci roba, usluga i radova u posebnim okolnostima broj: NO-24771-1-6./2017 od 23.11.2017. godine i broj: NO-25507-1-4./2017 od 07.12.2017. godine i Zapisnika o pregledu i ocjeni ponuda sa preporukom Komisije broj: GD-92-1/19 od 22.01.2020. godine, Predsjednik Uprave – Generalni direktor d o n o s i:

O D L U K U
o poništenju postupka javne nabavke

I

Poništava se postupak konkurentskog zahtjeva za dostavu ponuda za javnu nabavku usluga – prebacivanje vakumskih prekidača za napojne vodove iz PSN Maglaj u EVP Zenica, za potrebe JP Željeznice Federacije BiH d.o.o. Sarajevo, tender broj: GD-92/19.

II

Za realizaciju ove Odluke zadužuje se Sektor za nabavke i prodaju.

III

Ova Odluka stupa na snagu danom donošenja.

O b r a z l o ž e n j e

Predsjednik Uprave – Generalni direktor Javnog preduzeća Željeznice Federacije Bosne i Hercegovine društvo sa ograničenom odgovornošću Sarajevo je Posebnom Odlukom broj: 1-24308-1/2019 od 10.12.2019. godine odobrio pokretanje postupka konkurentskog zahtjeva za dostavu ponuda za javnu nabavku usluga – prebacivanje vakumskih prekidača za napojne vodove iz PSN Maglaj u EVP Zenica, za potrebe JP Željeznice Federacije BiH d.o.o. Sarajevo, tender broj: GD-92/19.

Obavještenje o nabavci je objavljeno na portalu javnih nabavki dana 30.12.2019. godine pod brojem: 1050-7-2-508-3-185/19.

Rješenjem Predsjednika Uprave - Generalnog direktora, broj: 1-24435-1/2019 od 10.12.2019. godine, imenovana je Komisija za nabavke (u daljem tekstu: Komisija) koja je provela postupak nabavke, u sljedećem

UIC 50

Bosna i Hercegovina

JP ŽFBH d.o.o. Sarajevo Centrala: +387 33 657-313; Kabinet Predsjednika Uprave-Generalnog direktora: tel. +387 33 251-120, fax +387 33 652-396; Poslovi razvoja i investicija: tel. +387 33 617-754, fax +387 33 617-922; Željeznički operator: tel. +387 33 251-126, fax +387 33 610-038; Željeznička infrastruktura: tel. +387 33 251-120, fax +387 33 656-062; Ekonomski poslovi: tel. +387 33 251-123, fax +387 33 217-085; Pravni i kadrovski poslovi: tel. +387 33 251-123.

sastavu: Maja Deljković Zubčević - predsjednik, Miralem Omerčić - član i Edisa Brčić - član. Za sekretara Komisije imenovana je Edina Karić.

Na osnovu člana 63. Zakona o javnim nabavkama ("Službeni glasnik BiH", broj: 39/14), Komisija je dana 16.01.2020. godine u 13:00 sati, izvršila javno otvaranje ponuda. Do roka određenog za prijem ponuda, pristigle su 2 (dvije) ponude, i to:

1. Ponuda ponuđača **ELCOM d.o.o. Tuzla**, koji je ponudio cijenu od: 16.986,00 KM (bez PDV-a), odnosno 19.873,62 KM (sa PDV-om).
Rok izvršenja usluge: 30 dana
Uslovi i način plaćanja: 60 dana od dana ispostavljanja fakture za izvršenu uslugu
2. Ponuda ponuđača **STEP d.d. Sarajevo**, koji je ponudio cijenu od: 19.976,00 KM (bez PDV-a), odnosno 23.371,92 KM (sa PDV-om).
Rok izvršenja usluge: 7 radnih dana od dana izdavanja narudžbenice
Uslovi i način plaćanja: 60 dana od dana ispostavljanja fakture za izvršenu uslugu

Komisija je pristupila pregledu i ocjeni ponuda, te konstatovala sljedeće:

Ponuda ponuđača **ELCOM d.o.o. Tuzla** je proglašena kao nepotpuna i neprihvatljiva iz sljedećeg razloga:

Ponuđač nije dostavio pismo ponude na memorandumu kako je zahtjevano tačkom 2.1. tenderske dokumentacije, koja glasi: "Da bi ponuda bila prihvatljiva ponuđač mora dostaviti pismo ponude na memorandumu, sa naznačenim nazivom i tačnom adresom ponuđača, identifikacionim brojem, predmetom ponude, rokom izvršenja usluge, uslovima i načinom plaćanja, jediničnom cijenom i ukupnom cijenom i garantnim rokom za izvršene usluge, iskazanim u skladu sa odredbama ovog zahtjeva. Pismo ponude mora biti ovjereno od strane ponuđača i potpisano od strane zakonskog zastupnika za dostavljanje ponuda i potpisivanje ugovora. Ukoliko ponudu potpisuje lice koje nije ovlašteno za zastupanje ponuđača, uz ponudu je potrebno dostaviti Punomoć za to lice potpisanu i ovjerenu od strane lica ovlaštenog za zastupanje".

Ugovorni organ odbacuje ponudu ponuđača u skladu sa članom 68. stav 4) pod i), jer ista nije potpuna i ne ispunjava zahtjeve iz tenderske dokumentacije.

Ponuda ponuđača **STEP d.d. Sarajevo** je proglašena kao nepotpuna i neprihvatljiva iz sljedećih razloga:

Ponuđač u svojoj ponudi nije dostavio zahtjevanu izjavu iz tačke 1.14. tenderske dokumentacije koja glasi: "Garanciju na izvršene usluge, pod normalnim uslovima upotrebe, ponuđači moraju dati u obliku izjave na svom memorandumu koja ne može imati trajanje manje od 12 mjeseci, računajući od dana izvršenja usluge, u protivnom, ponuda će biti neprihvatljiva za ugovorni organ."

Ponuđač nije postupio u skladu sa tačkom 4.2. pod f) tenderske dokumentacije, odnosno nije svaki list ponude ovjerio pečatom bez obzira što se na tom listu nalazi pečat ponuđača u nekom drugom svojstvu.

Tenderskom dokumentacijom je propisano: "Ponuda, odnosno svaki list ponude mora biti ovjeren pečatom podnosioca ponude (bez obzira da li je na tom listu postojan pečat u nekom drugom svojstvu, npr. ovjere

dokumenta), ako po zakonu države u kojoj je sjedište podnosioca ponude podnosilac ponude ima pečat ili dokaz da po zakonu države u kojoj je sjedište podnosioca ponude podnosilac ponude nema pečat“.

Napomena: ponuđači zahtjevane podkriterije upisuju u Prilog 3 - Obrazac za cijenu ponude na način kako je predviđeno. U suprotnom će ponuđači po podkriterijima biti ocjenjeni sa 0 (nula) bodova. Primjedba se odnosi na ponuđača STEP d.d. Sarajevo koji je pored opcije dani stavio ograničenje „radni“.

Ugovorni organ odbacuje ponudu ponuđača u skladu sa članom 68. stav 4) pod i), jer ista nije potpuna i ne ispunjava zahtjeve iz tenderske dokumentacije.

U skladu sa članom 18. stav 3) Pravilnika o javnoj nabavci roba, usluga i radova u posebnim okolnostima broj: NO-24771-1-6./2017 od 23.11.2017. godine i Pravilnika o izmjenama i dopunama Pravilnika o javnoj nabavci roba, usluga i radova u posebnim okolnostima broj: NO-25507-1-4./2017 od 07.12.2017. godine, Komisija je dala p r e p o r u k u Predsjedniku Uprave - Generalnom direktoru za donošenje Odluke o poništenju postupka javne nabavke usluga – prebacivanje vakumskih prekidača za napojne vodove iz PSN Maglaj u EVP Zenica, za potrebe JP Željeznice Federacije BiH d.o.o. Sarajevo, tender broj: GD-92/19, a u skladu sa članom 69. stav 2) pod d) Zakona o javnim nabavkama, jer nijedna od primljenih ponuda nije prihvatljiva.

Predsjednik Uprave – Generalni direktor je prihvatio preporuku Komisije, te je u skladu sa navedenim odlučeno kao u dispozitivu.

Pouka o pravnom lijeku:

Protiv ove Odluke može se izjaviti žalba JP ŽFBiH d.o.o. Sarajevo, u roku od 10 (deset) dana od dana prijema iste, a u skladu sa članom 101. Zakona o javnim nabavkama.

Dostaviti:

- Željeznička infrastruktura,
- Sektor za nabavke i prodaju,
- Sektor plana, analize i raspoređivanja prihoda,
- Ponuđačima/x2
- a/a.



Predsjednik Uprave – Generalni direktor

Enis Džafić, mr.ecc.